

Universitätsbibliothek Paderborn

Instructio Practica ...

De Conversatione Apostolica A Curatoribus Animarum piè & fructosè
instituenda - Complectens vatos & solidos modos juvandi & consolandi
diversorum Statuum Personas afflictas, præcipuè ægras & captivas

Lohner, Tobias

Dilingae, 1677

§. 2. Quomodo tribulati in genere consolandi sint.

[urn:nbn:de:hbz:466:1-48248](#)

§. II.

Quomodo tribulati in genere sint
confolandi.

I. **A**nte omnia Operarius laboret, ut his sequentia tria capita bene inculceret. Primum est. Nihil sine DEI voluntate fieri iuxta illud Eccl. c. 17. *Bona & mala, vita & mors, paupertas & honestas à DEO sunt: Et, non est malum in Civitate, quod non fecit Dominus.* Amos. c. 3. Hinc etiam Christus dixit: *Non haberes potestatem in me ullam, nisi tibi datum esset desuper.* Joh. 19. Secundum est, quod non modo omnia proveniant à DEO tanquam potentissimo Rege, sed etiam tanquam à benignissimo Patre, atque ad commodum, utilitatēm que nostram ordinentur. Hinc DEUS Ps. 28. vocatur *dilectus, quemadmodum filius unicornium,* quia, ut unicornis, quae habet cornu infra oculos, videt, quod tendat per cornu immis-
se afflictionis, non autem, sicut taurus habens cornua supra oculos cœco modo percutit. Atque hæc causa est, cur omnes tribulationes considerandæ & accipiendæ sint, ut Pædagogus, ut virga, ut ignis respectu auri, ut medicina, ut instrumentum chirurgi, &c. Tertium est, quod DEUS etiam robur & vi-
tes tribuat ad ferendas tribulationes, nam, ut S. Paulus ait
1. ad Corinth. 10. *Fidelis DEVS, qui non patietur vos tentari*
supra id, quod potestis. Et per Psalmistam ipse dicit: *Cum ipso sum in tribulatione; eripiam eum, & glorificabo eum,* Ps. 90. Id
experitum esse S. Paulus 2. ad Corinth. 12. testatur, dicens:
Propter quod placebo mihi in infirmitatibus, in contumelijis, in ne- cessitatibus, in persecutionibus, in angustijs pro Christo; cum enim infirmor, tunc potens sum. Imò etiam solatur peculiari modo,
ut iterum expertus est S. Paulus, qui de seipso 2. ad Corinth.
c. 11. ait: *Repletus sum consolatione, superabundo gaudio in omni tribulatione nostra.* Et S. David Ps. 93. *Secundum multitudinem dolorum in corde meo consolationes tua letifica verunt animam meam.* Experti etiam tres Pueri in fornace Babylonica,
qui senserunt ventum quasi roris flantem. Nimurum ad mediorum morem post amaram medicinam mox, ut minus amarities sentiatur, saccarum porrigit consolationum. Hinc quædam Virgo cuidam percontanti, quomodo ad perfectio- nem pervenisset, respondit: *Oninèm adversitatem æquanimiter instruit.* III.

ter de manu DEI suscepi, & quisquis me aliquā injuriā, moleſtiāve affecit, huic ego speciale beneficium rependere curav quod minimē fecissem, niſi ab eo laſsa fuissem. Nulli nō DEO gravamina mea questa sum; unde ē vestigio consolatiōnem, corroborationēmque ab eo accepi.

II. Revocet tribulato in memoriam, quod Dominus quondam ad S. Catharinam Senensem dixit: ut Bloſius c. 3. Monil. Spir. refert. *Volo te nōſſe, quōd omnes pœna, quibus homines in mundo affliguntur, in voluntate conſiſtunt; quia ſi voluntas eſſet ordinata & concors cum voluntate mea, careret quodammodo pœna.* Quamvis enim is, qui hac sanctā ordinatam voluntate præditus eſt, ſentiat laborem ac dolorem, quidquid tamen amore mei patitur, quaſi ſine pœna portat; libentissime enim illud ſuſtinet, conſiderans & ſciens eſſe meam voluntatem ac permiſſionem, ut patiatur. In confirmationem hujus doctrinae narrare poterit notam illām historiam ex Taulero de mendo, qui Theologo bonum diem & fortunatum precanti affruiſt, ſe bonos ſemper fortunatosque dies habuiffe, atque in tantis etiam miserijs latiſſimum vixiſſe, eò quōd nihil aliud quam quōd DEUS ordinavit, voluerit; hoc autem optimum ſibi eſſe certò peruaſerit.

III. Ostendat tribulationes eſſe ſignum filiorum DEI & prædestinationis. Id colligitur 1. ex S. Paulo ad Hebreos 12. dicente: *Fili mi, noli negligere disciplinam patris, neque flagigeris, dum ab eo argueris.* Quem enim diligit Dominus, flagigat; flagellat autem omnem filium, quem recipit. 2. Ex testimonio S. Raphaëlis Tob. 12. *Quia acceptus fueras DEO, neceſſe fuit, ut tentatio probaret te.* 3. Ex praxi amantium, qui comprimunt fortiter manus. Sic DEUS Apoc. 3. ait: *Ego quos amo, arguo & caſtigo.* 4. Ex revelatione DEI, quā quondam revelavit S. Gertrudi, quōd, quando Dominus nihil inveniens in homine, propter quod placita dignatione iſum ad eſſe deceat, tribulationes vel molestias tam corporales, quam ſpirituales eidem immitrat, ut inde habeat opportunitatem manendi cum illo, quia S. Scriptura dicit: *Iuxta eſt Dominus tuus, qui tribulato ſunt corde.* Alio tempore eadem Virgo interlexit, Bloſio teste in consolat. Pufill. quōd, quemadmodum annulus eſt ſignum desponsationis, ita adversitas humiliat propter DEUM tolerata, ſit veriſſimum ſignum divinæ elec-

Glossy

tionis, & quasi despensatio Animæ cum DEO in tantum, ut gravatus quisque confidenter dicere possit: Annulo suo subarrahat me Dominus meus JESUS CHRISTUS. Quod si inter ipsa adversa potest dono DEI etiam laudare DEVVM, & ei ex animo gratias agere, jam tanquam Sponsa amabilis coronam obtinet à Domino; quia gratitudo animi in adversis est ornatissima atque pretiosissima corona animæ. 5. Ex testimonio DEI, quo S. Francisco dixit, infirmitatem, quam tam patiebatur, esse arrham thesauri cœlestis, qui ipsi olim offerendus esset; uti in Spec. Exempl. V. cœl. gloria ex. 8. refertur. 6. Ex Omnium SS. Exemplō, de quibus S. Ecclesia canit: Omnes Sancti quanta passi sunt tormenta, ut securi pervenirent ad palmam Martyrij. Certè quò sanctiores fuere, tanto magis tribulationibus vexati sunt. 7. Ex figuris variis; nam Electi DEI sunt lapides, qui superaedificandi suo tempore super lapidem angularem Christum crescent in templum DEI, ergo in hac vita poliri malleo tribulationis debent. Illi sunt triticum suo tempore in horreum Domini congregandum, ergo prius flagellari & excuti debent. Illi sunt uvæ ex Christo tanquam vera vite prognatæ, ergo oportet torculari eos subjecere, ut gratissimum virtutis succum porrigan. Illi sunt holocaustum & victima DEO gratissima, ergo per ignem tribulationis immolari debent. Item tribulatio est aureæ virgæ Assueri similis, quæ signum clementiæ & gratiæ apud Regem obtentæ erat. Item est similis funiculo rubro, quem milites Josue Rahab meretrici dederant, ut eum appendens ante fenestram ab interitu servaretur. Josue c. 2. Tandem est similis signo Tau, per quod olim Ezech. c. 9. notati ab exitio servabantur.

IV. Præcipuè hortetur afflictum, ut Christi Exemplum & SS. Passionem ob oculos ponat sibi; hinc enim mirum robur & solatium oriri, colligitur 1. Ex ipsa Christi revelatione; cùm enim quædam persona vehementer afflita esset, hanc audivit vocem; surge, & cogita vulnera mea. Fecit & mox se consolatam invenit, uti in Fasciculo Myrræ P. Caff. refertur. Alius, qui à Religione ad sæculum reverti volebat, à Christo his vocibus in ptoposito confirmatus est: Omne asperum intinge in latus meum, & erit tibi dulce. ibid. Unde S. Catharina Senensis dicebat, tribulationem esse duro

pani similem; qui, ut facile per patientiam concoqui possit
SS. Christi Sanguinem intingendus sit. 2. Colligitur ex
stimonio S. Pauli ad Hebr. c. 12. dum ait: *Per patientiam
curramus ad propositum nobis certamen, aspicientes in Aucto-
rem fidei & Consummatorem IESVM. Recogitate eum, quia
lcm sustinuit a peccatoribus adversum semetipsum contradic-
torem, ut non fatigemini animis vestris deficiente.* 3. Col-
ligitur ex testimonio SS. PP. nam S. Gregorius in Epist. ad
nihil est adeo grave, quod non aequanimitate toleretur, si Christi
passio ad memoriam revocetur. S. Augustinus c. 32. ad FF. in
cremen. ait: *In omnibus adversitatibus meis non inventit ambo
cax remedium, quam vulnera Christi; in illis dormio securus,
requiesco intrepidus. Christus mortuus est pro nobis, nihil tam ad
mortem amarum, quod morte Christi non sanetur.* S. Bernar-
dus ait: *Voluit Christus oculos in sua sustelli vulnera, ut ex-
emplo suo reddat ad tolerandum fortiores. Non enim sentit sua vul-
nera miles, qui sui Duxis vulnera intuetur.* 4. Colligitur
figuris; nam sicut Exod. 15. lignum in aquas missum eas dul-
ces fecit. Et sicut 4. Reg. 4. farina in ollam missa amariet
sustulit, ita Crux & Passio Christi aquas tribulationum
dulces facit. Et sicut serpentis aspectus ænei in deserto sanava
ictus serpentum; ita Christi passi consideratio vulnera anima.
Num. 21. c. 5. Colligitur ex uatura Societatis, si enim So-
cietas hominis leviores facit miseras, quanto magis afflicto
solatium erit DEVU habere in Passione socium? 6. Ex-
quitate: non enim est major servus domino, neque discipulus
supra magistrum, neque membrum pedis melius est capite;
si ergo Christum oportuit pati, & intrare in gloriam suam,
quanto magis membra, discipuli & servi ejus per hanc viam
ad cælum tendere debebunt? Vrias admonitus à Davide, ut in
domum propriam iret, & quiesceret, respondit: *Arca DEI
Israël & Iuda habitant in Eapilionibus, & Dominus meus lebet
& servi Domini mei super faciem terra manent, & ego inge-
diar domum meam, ut comedam, & libbam, & dormiam cum
uxore mea? Per salutem tuam, & per salutem anime tuae
faciam rem hanc.* 2. Reg. 11. An non multò magis Christi
nus simili modo se alloquatur? Dominus meus in roto cu-
pore passus est talia ac tanta: & ego hanc parvam tribula-
tionem non suscipiam? Et ego quidem justè, ipse vero quid h

cit? Ille totum Caliceum in sanitatem meam exhaustus, & ego
in ejus honorem vel gustare illum recusabo? 7. Ex expe-
rientialia colligitur hujus medij efficacia. S. Elzearius Comes,
cum uxor illius patientiam miraretur, respondit illi: Nove-
ris me interdum sentire aliquam in animo adversus infestan-
tes me indignationem, sed illico me converto ad cogitan-
das injurias Christo illatas, dicoque mihi ipsi eum imitari
cupiens: Etiamsi famuli tui barbam tuam convellerent, & co-
laphos tibi impingerent, nihil totum hoc esset præ illis, quæ
Dominus tuus & plura & majora perpessus est, certoque ha-
beas conjux mea, me nunquam cessare à commemorandis in-
juriis Salvatoris mei, donec animus planè sit tranquillus. Su-
nus 27. Sept. 8. Colligitur ex simili: sicut enim amaræ pi-
lulae, dum hostiā involvuntur, facilius sumuntur; ita & tri-
bulationes, si eas memoriā Passionis Christi velut hostiā in-
volvamus. Sicut etiam Erinaceus in foraminibus petrae re-
fugium querit; ita anima Christiani in SS. vulneribus quæ-
re debet.

V. Hortetur, ut sæpe ad præmia tribulationibus pro-
missa animum afflictus convertat, revocetque in memoriam
illud S. Pauli ad Rom. c. 8. *Non sunt condignæ passiones huic
temporit ad futuram gloriam, qua revelabitur in nobis.* Si er-
go urinatores in aquas se promptè conjiciunt, & gladiatores
verbora contemnunt, & milites pericula alaci animo sub-
eunt, bajuli onera læti portant, ut vilem mercedem & præ-
mium consequantur; si Jacobo Patriarchæ videbantur dies
pauci præ amoris multitudine erga Rachelem; quidni multò
magis Christianus omnes adversitates libenter sustineat amo-
re & spe tanti præmij, quod nec oculus vidit, nec auris audi-
vit, nec in cor hominis descendit? sic Christus propōsito sibi
gaudio sustinuit Crucem; sic S. Stephanus intendens in cæ-
lum, vidit cælos apertos: sic Christus Apostolos excitavit:
Gaudete & exultate, quoniam merces vestra copiosa est in calix.
March. 5. Sic S. Franciscum in gravi dolore oculoru mani-
mavit, dum dixit: Francise, si tota terra esset aurum, & ma-
re ac flumina & fontes essent balsamum, & omnes montes, col-
lésque ac lapides essent gemmæ, & tibi aliis thesaurus longè
his pretiosior daretur pro infirmitate, an non gauderes? Ecce
hic thesaurus est vitæ æternæ, quem tibi reposui: & ex nunc
te in-

te investio, & ista infirmitas & afflictio tua est artha illius
beati thesauri. Spec.Ex.V.glor. cæl. ex. 8. Diabolus quoque
aliquando fassus est, se libenter omnia tormenta damnatorum
usque ad extremum Judicij diem toleraturum, si unico
momento DEVM intueri liceret, quid non tolerandum, u
æternum videatur? Sicur ergo vadantes flumen sursum oculos
erigunt, ne titubantes prolabantur; ita ne inter tribula-
tiones labamur, consultum est, ut ad cœlum oculos mentis
erigamus, nam, ut S. Isidorus ait, qui futuræ vitæ præmia di-
ligenter recognoscit, præsentis vita mala æquanimiter portat.

VI. Moneat afflictum, quod nemo sit in hoc mundo sine
afflictione, nam, uti Job c. 14. ait: *Homo natus de muliere bri-
vi vivens tempore, repletur multis miseriis;* ergo latius est patet
propter DEVM, ut hac ratione satisfaciamus pro peccatis, le-
vius feramus tribulationem, & præmium in altera vita acci-
piamus, quam ut per impatientiam nobis faciamus crucem
majorem, & graves in altera vita pœnas accersamus, jach-
ramque summæ mercedis faciamus. Quam doctrinam An-
qui pulchro hoc apoloogo explicabant. Hinnulus, inquisi-
bant, sylvester à lupis agitatus ad oves confugerat, quas con-
videret in pace degere, ait: *hic deinceps vitam meam pati-
ficè transfigam.* Paulò post tamen adsunt Sacerdotes, & agnos-
aliquos abducunt. Quos cum hinnulus ad immolandum trahi
audisset, cum suspirio exclamavit. Heu mihi! ut video
nullus locus à persecutione immunis est; sed tamen omnibus
perspectis, melius est hic manere, & in obsequium DEI pa-
quam in escam cedere luporum. Sic ergo etiam omnes justi
& prudentes Christiani discurrunt, quos hinnulus iste sig-
nificat.

VII. Jubeat afflictum meminisse, quoties infernum re-
purgatorium meruerit, sic enim omnia levius tolerabitur.
Quis enim latro gravissima tormenta promeritus, non con-
gaudio acciperet colaphum, si tota pœna in hunc conversus
retur, & præterea ingens pro eo fortiter exanimato præmium
offerretur? Ecce omnia tormenta hujus mundi comparata
cum gehenna nec colapho quidem comparari possunt, & ma-
men erit, qui his longè mitiora & minora ferre reçuset, ma-
mè cum in præmium ipsa beatitudo promittatur? S. Fra-
nciscus Borgia omnia hospitia sibi optimè præparabat, q
co

cognitionem sui & inferni præmisserat. Præmittat & hos duos prodromos afflictus ad omnes tribulationes, & omnes per quam leves efficiet.

VIII. Demonstret frustraneum esse mœrorem ad malum leniendum. nam ut eleganter S. Chrysostomus ait homil. ad populum: *Tristitia ob id nobis data est, non ut in morte aut alia re doleamus, sed ut doleamus peccatum quasi morbi illius remedium;* sicut ergo remedium lippitudinis illam tollit, non alios morbos; sic tristitia peccatum tollit, non alias agritudines; v.g. pecunia quis multatus est, doluit, non emendavit; filium amissit, doluit, non resuscitavit moriuū; contumelias affectus est, doluit, nō revocavit contumeliam; infirmatur, dolet, morbi non auferit, sed auget; sed peccat quis, tristatus est, peccata delevit; ergo tristitia tantum facta est propter peccatum, à quo nata est, ideo ut tinea ipsum corrodit, & absunit. Imò non tantum frustraneum esse mœrorem ad malum pellendum, sed etiam illud gravius efficere, clarissimè docet S. Augustinus I. de pac. c. 2. dum ait: *Impatientes, dum mala pati nolunt, non efficiunt, ut à malis eruantur, sed ut malagraviora patientur.* Patientes autem, qui mala malunt non committendo ferre, quam non ferendo committere, & leviora faciunt, quæ per patientiam patiuntur, & peiora evadunt, quibus per impatientiam mergerentur. Porro ut tristitiam hanc tantò faciliùs fugeat, jubeat afflictum sic discurrere: vel malum est futurum, vel præteritum, vel præsens: si futurum, cur miser es ante tempus? si præteritum, cur doles, quod infectum facere non potes? si præsens, ergo id solum curandum est, ut media, quæ leviorē faciant mali tolerantiam, procures; inter hæc autem potissimum est, si propter DEV M patienter id feras; sic enim I. DEV S citius auferet malum, sicut Pater citius cessat à verberibus, si Filium sese subjicere & agnoscere culpam adverrat. 2. Spes præmij, & honor inde resultans roborabit.

3. Societas Christi animos addet &c.

IX. Suadeat, ut consilium illud S. Bernardi sequatur: *Si insurgant venti tentationum, si incurras scopulos tribulationum, respice stellam, voca MARIA M; In periculis, in angustiis, in rebus dubiis MARIA M invoca, MARIA M cognita, non recedat ab ore, non discedat à corde. Hom. 2. in Missus est.*

X. Ex quibus omnibus hactenus allatis motivis unicus & præ cæteris efficax eruere potest, ut scilicet hortetur tribulatum, ut omnia adversa, quæ ipsi evenire possunt, sibi imaginetur imaginibus illis similia, quæ ob varias plicas duplex Personam repræsentant, & si quidem à dextris aspiciantur Christi imaginem exhibent, & ad affectum amoris acreveriæ excitant, animumque gaudio spirituali replent; verò à sinistris cernantur, Dæmonis turpissimam formam objiciunt, atque ad odium, & indignationem movent, amaritudinéque complent; sic enim revera etiam adversitates, si a sinistra parte, id est, secundum id duntaxat, quod cruciat, & affigit, considerentur, impatientiæ & pusillanimitatis affectus concitant; secus verò si à dextris, id est, secundum utilitatem variam, quam afferunt, spectentur, sic enim desiderium, amorem, gaudium ingenerant. Id quod Concionator quidam aposto lo discursu confirmabat, dum in die Parafceves sic suos Auditores alloquebatur: Seitis, Auditores, in atrio quodam varias hodie cruces ligneas, graviores & leviores, maiores & minores, diversis scilicet Personis accommodatas expositis esse. Quid si ego nunc vos omnes invitarem, ut mecum atrium illud iretis, & crucem aliquam mecum tolleretis, & per urbem ad certum templum portaretis, quām paucos pupillatis futuros, qui me secuti essent, & quām exigua alacritate? Quod si autem mox subjungerem: Verumtamen sciendum est vobis, unam ex istis crucibus intus totaliter excavatam, & aureis nummis refertam esse, quām qui primus ex vobis deprehenderit, atque humeris suis in domum suam portaverit, is omne illud aurum in ea inclusum pro præmio accipiet; an non hoc audito omnes è templo excurreretis, & magna cum aviditate in atrio illo unam crucem post alteram libraretis, & gravissimam eligeretis, lætique in humeros susciperetis, & si quidem illa gravaret, vos ipsos his vel similibus verbis solaremini: Animæquior esto, tolera modicum & brevem dolorem, brevi in domo eris, & ibi fructus longævus ex auro obtento referendus omnem hanc molestiam abunde compensabit. Cur, quæso, nunc tam hilares gravissimam crucem eligeretis, quām tamen prius aut omnino non, aut cum tristitia portavissetis? nimisrum quia prius solam crucis gravitatem postea verò aurum & lucrum intus inclusum considerassetis;

sic e

Si ergo in vestris etiam tribulationibus non id , quod brevi tempore cruciat , sed quod æternum deiecitabit , spectate , & cum S. Paulo dicetis : *Repletus sum consolatione , superabundo gaudio in omni tribulazione nostra , 2. Cor. 11.*

§. III.

Quomodo pauperes sint consolandi.

Hi gemina præcipue consolatione indigent , quia duplice plerumque afflictione & tristitia cruciantur , quarum prima oritur ex ipsa Statu sui vilitate & abjectione ; pro qua lenienda sic eos consoletur Operarius . & 1. proponat illis exemplum Christi , qui , ut S. Paulus 2. ad Corinth. c. 8. ait : *Propter vos egenus factus est , cum esset dives ; si ergo solatum est miseris socios habere , quantum erit solatum pauperi , paupertatis socium habere ipsum DEUM ?* 2. Revocet illis in memoriam , quot millia sapientissimorum virorum & sanctissimorum sponte amplexi sint paupertatem , ut essent similiores filio DEI ; quidni ergo & ipsi gaudeant , ultro à DEO oblatam hanc gratiam , quam alij per magnas difficultates & certamina quæsierunt ? 3. Jubeat meminisse , vitam nostram similem esse Comœdiæ ; ut ergo Actor libenter per diem personam mendici vel rustici gerit , si speret , se Regi aulicisque per eam magis placitum , & majus præmium obtentur ; ita & ipsi libenter vilem suam personam per unicum vitæ diem sustineant , ut DEO , Cœlitibüsque magis placeant , & merita sua multiplicent . 4. Ostendat talem & tantum esse quemlibet hominum , qualis & quantus est apud DEUM , atque adeò illum esse in hac vita dignorem , qui sanctior est ; hauc ergo dignitatem obtainere cum in ipsorum sit potestate , cur doleant , se falsa gloria , honoribüsque carere ? 5. Demonstret , quod DEUS divitias illis non dederit , specialis favoris loco habendum ; indicium enim est , DEUM hic velle curam eorum habere , atque eos in altera vita ditare regno illo , quod pauperibus promisit ; etiam ipsos in hac vita à curis , quas divitiae afferunt , liberos esse , & annos suos in vera pace transfigere . Ad quem finem proderit narrare historiam de Fabro illo ferrario , quem cum Vicinus dives toto die cantantem audijset , quondam marsupium pecuniâ plenum in officinam

